

Confidential



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SETSWANA PUOTLALELETSO YA NTLHA (FAL)

PAMPIRI YA BORARO (P3)

MOTSHEGANONG/SEETEBOSIGO 2025

MADUO: 100

NAKO: Diura di le 2½

Pampiri e, e na le ditsebe di le 6.



DITAELO LE TSHEDIMOSSETSO

1. Pampiri e, e arogantswe ka DIKAROLO di le THARO:
KAROLO YA A: Tlhamo (50)
KAROLO YA B: Ditlhangwa tse dileele tsa tirisano gammogo le ditlhangwa tse di dirisang mekgwa e e farologaneng ya tlhaeletsano (30)
KAROLO YA C: Ditlhangwa tse dikhutshwane tsa tirisano. (20)
2. Araba potso e le NNGWE go tswa mo KAROLONG NNGWE le NNGWE.
3. Kwala ka puo e o tlathlobiwang ka yona.
4. Simolola KAROLO NNGWE le NNGWE mo tsebeng e NTŠHWA.
5. Kwala letlhomeso (seka, mmapa wa dikakanyo/sethalo/tšhate/mafoko a a kaelang, jalo le jalo), siamisa diphoso le go buisa tiro ya gago gape. Letlhomeso le kwalwe PELE o simolola go kwala tlhamo.
6. Tirokwalo ya ipaakanyo yotlhe e tshwanetse go tlhagelela sentle. Thala mola o o sekaganyang go supa fa tirokwalo e le ya ipaakanyetso.
7. Tiriso ya nako e e tshitshinngwang ke:
KAROLO YA A: Metsotso e le 80
KAROLO YA B: Metsotso e le 40
KAROLO YA C: Metsotso e le 30
8. Dinomoro tsa dikarabo di tlhagelele jaaka di ntse mo pampiring ya dipotso.
9. Naya karabo NNGWE le NNGWE setlhogo se se maleba.
10. Setlhogo GA SE a tshwanela go akarediwa mo palong ya mafoko a a tlhokegang.
11. Kwala sentle ka mokwalo o o buisegang. ...



KAROLO YA A: TLHAMO**POTSO 1**

Kwala tlhamo ya boleele jwa mafoko a a ka nnang 250–300 ka NNGWE fela ya ditlhogo kgotsa ditshwantsho tse di neilweng. Fa o dirisa setshwantsho go kwala tlhamo, se neele setlhogo. O se ka wa lebala go thala letlhomeso/lenaneopaakanyo PELE o kwala.

- 1.1 Ke ne ka latlhwa ke ditsala tsa me tsa botlhokwa. [50]
- 1.2 Maemo a ditsela mo nageng ya Aforikaborwa a baya matshelo a badirisi mo kotsing. [50]
- 1.3 Fa nka amogela madi a puso a tlanelo ya bana ... [50]
- 1.4 Monate le bosula jwa go tseba sekolo mo mafaratlhatlheng. [50]
- 1.5 Botshelo kwa ntle ga motsadi ga bo monate. Dumela kgotsa ganela. [50]
- 1.6 Motshameko o o itumedisang o nkileng ka o bogela. [50]

Tlhopha setshwantsho SE LE SENGWE go tswa mo go tse di latelang, mme o kwale tlhamo ka ga sona. Nomora potso ya gago go nna (1.7 kgotsa 1.8). Neela tlhamo ya gago setlhogo se se maleba.

ELA TLHOKO: Diteng tsa tlhamo ya gago di tshwanetse go nyalana le setshwantsho se o se tlhophileng.

1.7



[Se nopotswe go tswa mo go: www.citizens.co.za]

[50]



1.8



[Se nopotswe go tswa mo go: www.google.municipality employment]

[50]

PALOGOTLHE YA KAROLO YA A: 50



**KAROLO YA B: DITLHANGWA TSE DILEELE TSA TIRISANO GAMMOGO
LE DITLHANGWA TSE DI DIRISANG MEKGWA E E
FAROLOGANENG YA TLHAELETSANO**

POTSO 2

Araba potso e le NNGWE fela mo karolong e. Karabo e nne boleele jwa mafoko a a ka nnang 120–150.

2.1 LEKWALO LA SEMMUSO

O dirile lekwalokopo la go dira mophato wa borobedi mo sekolong se se gaufi le legae la gaeno mo mafaratlhatlheng, mme ga o ise o arabiwe. Kwalela Mokhuduthamaga wa Lefapha la Thuto o ngongorege ka ntlha e.

[30]

2.2 PEGELO

Barutwana ba le bantsi ba rata go fedisa matshelo a bona ka go ipolaya. Dira dipatlisiso ka ga tiragalo e, mme morago o kwale pegelo ka diphitlhelelo tsa gago le dikatlanegiso.

[30]

2.3 TSA BOTSHELO JWA MOSWI

Rakgadiago ga a bolo go lwala, mme e rile fa le tsoga mo mosong la fitlhela a iketse badimong. Kwala tsa botshelo jwa moswi rakgadiago.

[30]

2.4 POTSOTHERISANO

O reteletswe ke go tla go kwala tlhatlhobo ya Setswana ka gonne go ne go na le ditshupetso kwa lefelong le o nnang kwa go lona, ditsela tsotlhe di ne di tswaletswe, mme go se ka fa o ka fetang go ya kwa sekolong. Mogokgo o batla go itse gore ke ka ntlha ya eng o sa kgona go kwala tlhatlhobo. Kwala potsotherisano magareng ga gago le mogokgo wa sekolo.



[Se nopotswe go tswa mo go: www.google.education]

[30]

PALOGOTLHE YA KAROLO YA B: 30



KAROLO YA C: DITLHANGWA TSE DIKHUTSHWANE TSA TIRISANO**POTSO 3**

Araba potso e le NNGWE fela mo karolong e. Karabo e nne boleele jwa mafoko a a ka nnang 80–100.

3.1 PAMPITSHANA YA TSHEDIMOSETSO


Go na le bothata ba go utswiwa ga megala ya motlakase mo motseng wa gaeno. Kwala pampitshana ya tshedimose tso o tsibose baagi ka ga ntlha e.

[20]**3.2 DITAELO**

Mmaago o gateletswe ke bolwetse mme o tlhoka madi a go ya go bona ngaka ka ntlha ya gobo a sa kgone go tsamaya. Kwala ditaello tse mmaago a go di neileng morago ga gore a go neele karata ya gagwe ya banka gore o ye go goga madi.

[20]**3.3 PHASALATSO**

Sekaseka setshwantsho se se fa tlase, mme morago o kwale phasalatso e e tlaa tsamaelang le sona.



[Se nopotswe go tswa mo go: www.google.smallenterprise]

[20]

PALOGOTLHE YA KAROLO YA C:
PALOGOTLHE YA TLHATLHOBO:

20
100



